

OKRUŽNO TUŽILAŠTVO BANJA LUKA: Predloženo pritvor za uhapšene u akciji Kanon

05/10/2011 17:19 by Administrator

Tužilac Okružnog tužilaštva Banja Luka predložio je pritvor za 11 osoba uhapšenih prije dva dana u akciji "Kanon" zbog sumnje

Tužilac Okružnog tužilaštva Banja Luka predložio je pritvor za 11 osoba uhapšenih prije dva dana u akciji "Kanon" zbog sumnje da su počinili krivično djelo neovlaštena proizvodnja i promet droga. Slobode su lišeni: Dragoljub Pačagić (1974.) iz Banje Luke, Danijel Delić (1980.) iz Sarajeva s mjestom prebivališta u Banjoj Luci, Goran Novalija (1978.), Vladimir Damjanić (1980.), Zoran Balta (1979.), Aleksandar Kajkut (1975.), Ljubiša Jačimović (1977.) svi iz Banje Luke, zatim Ana Mastilo (1986.) iz Sarajeva s mjestom prebivališta u Banjoj Luci, Darjan Dojčinović (1984.) i Dragan Tepić (1983.) također iz Banje Luke, te Vladimir Petrović (1982.) iz Doboja s mjestom prebivališta u Banjoj Luci.

Dragan Jovanić (1982.) iz Banje Luke, koji je također obuhvaćen ovim izvještajem, već se nalazi na izdržavanju zatvorske kazne u KPZ Banja Luka.

Osumnjičeni su od aprila do oktobra 2011. vršili nabavku i preprodaju kokaina i marihuane na području Banje Luke.

Tužilac je stavio prijedlog za određivanje pritvora, iz razloga jer postoji osnovana bojazan da će osumnjičeni ometati krivični postupak uticajem na svjedoke, da će ponoviti krivično djelo te iz razloga što bi puštanje na slobodu rezultiralo stvarnom prijetnjom narušavanja javnog reda i mira.

O prijedlogu za određivanje pritvora odlučit će sudija za prethodni postupak Okružnog suda u Banjoj Luci, saopšteno je danas iz Okružnog tužilaštva.

Izvor vijesti: FENA / BLIN